

1234, juny, 2

*Testament de Maria d'Agaó de Madremanya, que institueix hereus Bernat de Bellmirall i la seva esposa Guillema, als quals llega el mas de l'Agaó.*

ASD núm. 106, perg. orig., 190 x 177 mm.

In Christi nomine, ego Maria de ipso Agaone de Matremagna, in meo bono sensu et in mea plena memoria ac loquela facio meum testamentum, in quo eligo meos manumissores uidelicet Bernardum de Pulcromirali et uxorem suam Guilielmam, ita quod si me mors contigerit antequam aliud testamentum mihi condere liceat, isti distribuant omnes res meas mobiles et immobiles sicut hic illis iniunxero. Primum dimito Sancto Martina in cuius cimiterio corpus meum sepeliri iubeo, .III. solidos, Sancto Stephano de Matremagna .III. solidos, captiuis redimendis et pauperibus induendis uiginti .IIII. solidos. Dimito Scalone consanguinee mee campum meum de Còmba Salema. Instituo Bernardum de Pulcromirali et uxorem suam Guilielmam heredes meos et dimito eis mansum meum de ipso Agaone qui fuit patris et matris mee, cum omnibus suis pertinenciis et tenedonibus et omnes res meas mobiles et immobiles et iura et uoces et raciones et acciones et quicquid habeo et habere debeo in tota parrochia de Matremagna uel in aliis lacis ad omnem suam uoluntatem et suorum perpetuo faciendam, exceptis his que superius testata sum, et ipsi paccent supradictas lexaciones. Si quis hoc rumpere voluerit, non ualeat.

Actum est hoc .IIII. nonas iunii anno Domini .MCCXXX. quarto.

Sig+num Marie predicte, qui hoc testamentum firmo firmarique rogo. Sig+num Guilielme uxoris Bernardi de Pulcromirali. Sig+num Petri Monerii. Sig+num Dominici Sabaterii.

(s. man.) Arnallus de Sancto Martino qui hoc scripsit mandato Bernardi Stephani, Gerundensis canonici et publici notarii, cum litteris rasis et emendatis in .VI. linea.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 225-226